

Sancti N., te humiliter deprecans, ut, ipsis intercedentibus, per hujus Sacramenti virtutem bonum certamen certare, cursum consummare, fidemque servare valeam, et tandem a te justo Judice coronam justitiae obtineam in cœlis. Amen.

**DIES IX.**  
**ANTE MISSAM.**

*Quidquid est effectus Dominica Passionis, est effectus hujus sacrificii. (S. Thom. in Eph. 6.)*

*Quoties hujus Hostie commemoratio recolitur, toties opus nostræ Redemptionis exercetur. (Orat. Dom. IX post Pent.)*

*Una enim eademque est Hostia, idem nunc offerens sacerdotis ministerio, qui seipsum in Cruce obtulit, sola ratione offerendi diversa. (S. Conc. Trid. sess. 23.)*

**Actus Fidei, Spei, Charitatis et Contritionis.**

Credo in te, Domine Jesu Christe, quia tu es summa veritas, qui dixisti : Caro mea vere est cibus et Sanguis meus vere est potus. Spero in te, o Misericordia infinita, quia tu bonus erga nos promisisti : Si quis manducaverit ex hoc Pane, vivet in æternum. Amo te, o Bonitas æterna, super omnia, charitate quæ diffusa est in cordibus nostris per Spiritum Sanctum, qui datus est nobis ; et ideo doleo ex toto corde de peccatis commissis, eaque detestor cum proposito non peccandi de cætero ; cor contritum et humiliatum Deus non despicies.

**Confessio Sacerdotis ante Missam.**

Confiteor tibi Deo omnipotenti omnia peccata mea, quæcumque ab infantia usque nunc scienter autigno-

ranter commisi, et quæcumque præsertim in hac die ac nocte in verbo, in facto, et cogitatione contra tuam sanctissimam voluntatem patravi. Tibi confiteor et veniam peto, ut ira tua non veniat super me miserum peccatorem, sed benedictio tua descendat super me et maneat semper. Suscipe hanc confessionem meam, Domine Deus meus, unica spes salutis meæ, de quibuscumque peccatis, gulæ, ebrietatis, luxuriae, acedie, somnolentiæ, iræ, cupiditatis, invidiæ, detractionis, murmurationis, mendacii, vanæ glorie, levitatis, inobedientie, atque superbiæ ; de omni cogitatione, locutione, atque multis peccatis meis, quorum umquam coram te reus fui. Qui justificas impium et vivificas mortuos, resuscita me, Domine Deus meus, et indulge famulo tuo. Sum enim peccator indignus, qui præsumo ad tuum sanctum Altare accedere, et te invocare. Peccavi coram te Domine, et coram angelis tuis sanctis. Tribue mihi indulgentiam omnium delictorum meorum. Confirma me in operibus bonis et doce me facere voluntatem tuam omnibus diebus vite meæ. Præsta, ut tuum Sacro-sanctum Corpus et Sanguinem percipiere merear cum recta fide, spe firma, et perfecta charitate, non in iudicium et condemnationem animæ meæ, sed in remissionem omnium peccatorum meorum, et ad profectum in scientia Sanctorum, et stabilitatem in via salutis æternæ, ut tandem illuc merear introire, ubi tu summum bonum es, et ineffabile gaudium Angelorum et Sanctorum omnium. Amen.

**Oratio ad Sanctum Spiritum.**

Spiritus gratiæ et misericordiæ, ecce accedo ad Sanctum Altare, locum terribilem et metuendum, scalam cœli, per quam Deus ad nos descendit, et nos ad Deum ascendimus, ad ministerium omnium mi-

nisteriorum altissimum, ut in eo æterno Patri offeram de te in utero Virginali conceptum, et in Salvatorem populorum per te unctum Jesum, Deum et Dñum meum, quite Paraclitum a Patre nobis misit, et perte charitatem suam in cordibus fidelium diffudit. Sed quia sine te non possum in ministrando gratus apparere, tu me, quæso, virtute et operatione tua ad digne sacrificandum præpara. Tu Sacro Altari tuo ipsius in cor meum illapsu me dignum effice. Te enim Spiritum omnium gratiarum invoco, te inclamo. Veni dolentis animæ consolator et in tribulati-  
nibus adjutor. Veni mundator scelerum, veni fortitudine fragilium, elevato labentium, humilium doctor et superborum destructor. Veni orphanorum pius pater, viduarum dulcis judex. Veni spes pauperum, refocillator deficientium. Veni navigantium sidus, naufragantium portus. Veni Sanctissime Spiritus, et aufer a me quidquid displicet tibi et Patri et Filio in me, et infunde id omne quo magis possim mereri gratiam, et nunc ad digne et sancte augustissima Mysteria offerenda, et post, toto tempore meæ vite, secundum divinam voluntatem Jesu mei vivendum.

#### **Directio intentionis.**

Sanctissimum Missæ Sacrificium offerre intendo, Domine Deus, ut per illud recognoscam Supremam tuam excellentiam, cui soli Sacrificium competit; ut tibi gratias referam pro benefiis, quæ ulli umquam creature exhibuisti; ut mihi et cunctis peccatoribus indulgentiam et veniam obtineam, et ut ego et cuncti vivi et defuncti, pro quibus celebrare volo, gratias desideratas ex illo valeamus haurire.

#### **Oratio ad B. M. V.**

Sanctissima Mater Salvatoris, quæ Ipsi in Cruce

Sacrificium suum eruentum offerenti adstitisti, me nunc idem Sacrificium in Altari oblaturum auxilio tuo firma et orationibus tuis adjuva, ut Sacrosancta illa Hostia Deo accepta, mihique et omnibus, quos in hac Missa specialiter commendare intendo, sit in salutem animæ et corporis. Amen.

#### **Oratio ad Sanctos.**

Concede mihi, misericors Deus, per intercessionem S. Angeli Custodis, S. Joseph, SS. Patronorum meorum N. N. et Sancti N. remissionem peccatorum meorum, ut, mundus ab omni sorde peccati, sancte divina Mysteria peragam, mihique et omnibus mihi commissis et commendatis sint in augmentum gratiæ, et in pignus future gloriæ. Amen.

#### **DIES IX.**

#### **POST MISSAM.**

#### **Oratio Eucharistica.**

Benedic anima mea Domino, et omnia quæ intra me sunt nomini sancto ejus. Benedic anima mea Domino, et noli obliisci omnes retributions ejus. Qui redimit de interitu vitam tuam, qui coronat te in misericordia et miserationibus. Ingressus es ad me, benignissime Jesu, dulcis Hospes animæ meæ. Non dimittam te, nisi benedixeris mihi. Benedic igitur servo tuo, et fac tibi perpetuam in corde meo mansionem. Tu solus illud posside. Recedant vetera de ore et corde meo, nova sint omnia: tibique deinceps præparentur cunctæ cogitationes meæ. Exurge, te rego misericordissime Jesu, in adjutorium meum, et largire mihi amodo sensuum, lingue et cogitatio-

num mearum custodiam. Averte oculos meos, ne videant vanitatem. Gressus meos dirige secundum eloquium tuum. Ne declines cor meum in verba malitiæ. Pone custodiam ori meo et ostium circumstantiæ labii mei. Tua solius vox sonet in auribus meis, tua solius facies mihi obversetur : Vox enim tua dulcis et facies tua decora. Apprehendam te, o Dilecte votorum meorum, ponam te ut signaculum super cormeum. Non me derelinquas in omni certamine, Jesu bone, sed respice in me oculis misericordiæ tuæ et porrige mihi dexteram tuam, ut fidelis in tua dilectione permaneam et amplius in æternum non committam, quod tibi displiceat, aut a te me separet. Vigila quoque super me, defende me, et gratiam hanc mihi concede, ut spiritu ferventi tuum deinceps honorem et beneplacitum sitiam et perficiam, et si amodo tecum unus spiritus, unum cor, anima una. Amen.

### Oblatio sacrificii peracti.

O Domine Jesu Christe, in memoriam immensæ tuæ charitatis, qua pro me natus, passus, crucifixus et mortuus es, offero tibi hujus Missæ, et omnium Missarum, quæ hodie in toto mundo fiunt, Hostiam sacrosancti Corporis et Sanguinis tui. Obsecrans per viscera misericordiæ tuæ, ut suscipientes et Patri tuo offeras in ea virtute, qua illi, in Cruce moriens, Spiritum tuum tradidisti : ut vivis tuam gratiam et defunctis requiem et omnibus nobis misericordiam vietamque largiaris sempiternam. Singulariter tamen orro pro N. et N. Noli me propter peccata mea damnare, Domine Jesu, ab ira tua et a peccatis me libera, digne, et presta, salutaris meus, ut cum frequentatione Mysterii tui crescat meæ salutis effectus. Obsecro te, ut mihi sit cibus, qui me confortet, nu-

triat et protegat. Da mihi gratiam, ut hujus Sacramenti perceptio sit mihi nunc et in morte, plena reconciliatio, plena peccatorum purgatio, et ad vitam æternam introductio. Amen.

### Oratio ad Spiritum Sanctum

Quid tibi, o Sancte Spiritus, repandam ; qui omnis amoris, a Patre et Filio in me effusi, fons es et origo ? Per te Pater commotus dedit Filium suum unigenitum ; per te Filius inductus seipsum pro nostra redemptione obtulit. Tu illi Mariam Virginem in Matrem præparasti ; tu illi purissimum Corpus ex ejusdem Virginis carne præparasti, quod nunc ego, tuo quoque beneficio in Sanctissimo Eucharistia Sacramento suscepisti. Tu hujus meritorum participem me facis : a te gratiarum omnium dona fluxerunt. Quas tibi gratias referam, o Sancte Spiritus ? Accipe cor meum, quod amoris tui et benignitatis scopum constituisse dignatus es. Tu illud, obsecro, ab omnibus peccatorum sordibus emunda et septenis illud gratiarum tuarum donis exorna, tibique gratum habitaculum præpara. Veni Sancte Spiritus. Veni Pater pauperum. Veni Lumen cordium. Veni Dator munereum. Sine tuo numine, nihil est in homine, nihil est innoxium. Da virtutis meritum, da salutis exitum, da perenne gaudium. Amen.

Anima Christi, etc. pag. 45.

### Ad SS. Cor Jesu.

Fac nos, Domine Jesu, sanctissimi Cordis tui virtutibus indui et affectibus inflammari, ut et imagini bonitatis tuæ conformes et tuæ redemtionis mereamur esse participes.

O, mi Jesu amantissime, ego N., ut gratitudinem

tibi exhibeam, necnon infidelitates meas resarciam,  
tibi cor meum dono, et ex integro me tibi dedico et  
consecro, atque, te auxiliante mihi, propono non  
amplius peccare.

### Oratio ad B. M. V.

O Mater Salvatoris, adsis mihi, qui nunc eudem  
Salvatorem sub speciebus Panis et Vini latentem sus-  
cepisti; ut animam meam ab omni peccato immunem  
conservem et post hanc labilem vitam, Salvatoris  
Iesu-Christi gratia, ad vitam perveniam sempiternam,  
quam repromittere dignatus es tibi, qui diligunt eum.  
Amen.

### Oratio ad Sanctos.

Per intercessionem S. Angeli Custodis, S. Joseph,  
SS. Patronorum meorum N. N. et Sancti N. te, Do-  
mine, suppliciter precor, ut dum consumptis sacris  
speciebus realem tuam præsentiam mihi subtrahis,  
non discedas a me, paupero tuo famulo, nisi re-  
linquas post te animæ meæ et corpori meo largissi-  
mam benedictionem. Amen.

### DIES X.

### ANTE VISSAM.

Cum videris sacerdotem offerentem, ne ut sacer-  
dotem esse putas hoc facientem; sed monum Dei invis-  
ibiliter extensam. (S. Chrys. Hom. 83 in Matth.)

Quis fidelium habere dubium possit, in ipsa immo-  
lationis hora ad sacerdotis vocem calos aperiri, in illo  
Iesu Christi Mysterio Angelorum choros adesse, sum-  
ma et ima sociari? (S. Greg. Dial. lib. 4.)

### Oblatio Sacrificii.

Deus cœli et terræ infinite amabilis, ego N. miser-  
rimus peccator et Ecclesiæ tuæ Minister indignissi-  
mus augustissimum hoc Sacrificium Corporis et San-  
guinis Filii tui offero Divine Majestati tuæ in tribu-  
tum honoris et amoris debiti. Ad tuam maximam  
laudem et gloriam, in protestationem supremæ tuæ  
Excellentiae, Dominii tui in omnes creaturas et no-  
stræ subjectionis et dependentiæ a te. In memoriam  
et honorem benedicte Incarnationis, Vitæ, Passio-  
nis, Mortis, Resurrectionis et Ascensionis ejusdem  
Filii tui; et in obedientiam ejusdem mandati, quo  
præcepit, ut idem in ejus commemorationem face-  
remus. In gratiarum actionem pro universis benefi-  
ciis tuis, quæ mihi indignissimo peccatori cunctisque  
creaturis tuis conferre dignatus es. In honorem et  
augmentum glorie Beatae Virginis Mariæ, omnium  
Angelorum et Sanctorum præsertim Sancti N. cuius  
hodie Festivitas celebratur. In propitiationem et sa-  
tisfactionem pro peccatis meis, et totius mundi. Pro  
meis præsentibus atque futuris tum animæ tum cor-  
poris necessitatibus et parentum, fratribus, sororum,  
consanguineorum, affinum, benefactorum, amico-  
rum, omnium Sacerdotum et Ministrorum Ecclesiæ  
tuæ, omnium mihi commissorum, omnium inimico-  
rum, omnium quibus fui scandalum vel occasio pec-  
candi, omniumque illorum, quibus quocumque ti-  
tulo obligor. In exaltationem Sanctæ Ecclesiæ Catho-  
licæ; in extirpationem hæresum; in concordiam et  
unionem principum Christianorum; in consolatio-  
nem, auxilium, remedium, patientiam et salutem  
affictorum, pauperum, captivorum, tentatorum,  
infirmorum et agonizantium; in conversionem infi-  
delium; in resurrectionem lapsorum; in perseve-

rantiam justorum; in refrigerium, requiem et pacem omnium fidelium defunctorum. Primario tamen hoc sanctum Sacrificium offero ad intentionem N..... Suscipe, Domine, hanc oblationem meam in unione amoris illius, quo dilexit nos et tradidit semetipsum pro nobis Dominus noster Jesus Christus, Filius tuus: Qui tecum vivit et regnat in unitate Spiritus Sancti, Deus, per omnia saecula saeculorum. Amen.

**Actus humilitatis et fiduciae.**

Altissime Domine, et Deus coeli et terrae, ego sum creatura vilissima, indigna quae coelum aspiciam. Et ecce infinita tua Bonitas inestimabilem illam mecum vult facere misericordiam, ut habitaculum suum in anima et corpore meo stabiliat. Sed quis sum ego Domine Jesu, ut ad te, Deum meum, creatorum omnium audeam accedere? Sanctus Præcursor tuus, in utero matris sue sanctificatus, indignum se testatus est, qui solveret calceamentum tui corrigiam; princeps quoque Apostolorum tuorum exclamabat: «Exi a me, Domine, quia homo peccator sum.» Altissimi Seraphini velant facies suas et in conspectu tuo trement: quomodo itaque ego terrae vermiculus praesumam te in domum meam introducere, ego qui foties te offendit, ego qui vere sum pauper et nudus, miser et cæcus et miserabilis! Quia tamen scio, o Jesu misericordissime, quod mortem peccatoris non velis, sed magis ut convertatur et vivat; quia audio te tam benigne invitantem: «Venite ad me omnes, qui laboratis et onerati estis et ego reficiam vos,» en venio ad te, pondere peccatorum gravatus, ut me exoneres. Venio laborans et miseriis ac peccatis oneratus, ut me reficias. Manducasti olim cum peccatoribus: en habes hic magnum peccatorem, qui dolens et gemens ad te venit, ut ipsius miserearis, ut ei peccata sua et

ignorantias remittas, sice te puro recipere corde mereatur. Veni igitur, o Jesu misericordissime, ut anima mea tua mundetur præsentia, semelque tuo amore accensa, numquam amplius per peccatum a te separetur. Amen.

**Oratio**

EX LITURGIA S. JACOBI.

Deus omnipotens, Domine magni nominis, qui nobis aditum ad Sancta Sanctorum dedisti, per adventum unigeniti Filii tui Domini ac Dei Salvatoris nostri Jesu Christi, supplices tuam imploramus clementiam, quandoquidem contremiscimus ac tremidimus ad sanctum Altare tuum accessuri. Fac, illabatur in nos, Deus, tua bona gratia, et animas nostras sanctifica; corporaque et spiritus, nec non cogitationes nostras ad pietatem converte; ut pura conscientia tibi dona offeramus et munera; ut deleantur delicta, quæ admisisimus, et ut toti populo tuo sis propitius, idque gratia et miseratione ac benignitate unigeniti Filii tui.

**Oratio ad B. M. V.**

Virgo super omnes prudentissima, Angelis et hominibus veneranda et a cunctis prædicanda, mihi famulo tuo, qui te in vita et in morte laudare, venerari et prædicare volo, materna pietate succurre; ut Corpus et Sanguinem Filii tui Jesu-Christi digne suscipiam, et fructus salutis uberrimi, tam mihi quam illis, pro quibus ex charitate vel ex justitia sacrificare volo et debeo, ex illa communione obveniant. Amen.

**Oratio ad Santos.**

Tribue mihi, piissime Deus, per intercessionem S.

Angeli Custodis, S. Joseph, SS. Patronorum meorum, N. N. et Sancti N. hoc Sacrosanctum Missæ Sacrificium ita peragere, ut mihi et omnibus, pro quibus illud offerre propono, quosque vel præsens sæculum adhuc in carne retinet, vel futurum jam exutos corpore suscepit, copiosus ex eo gratia fructus obveniat. Amen.

## DIES X.

### POST MISSAM

#### Gratiarum actio.

O Dulcedo cordis mei, et Vita animæ meæ, et iuncta Requies spiritus mei, dulcis Jesu, immortales tibi agor gratias pro omnibus beneficiis mihi umquam collatis; signanter vero, quia hodie singulari miseratione, verum et immaculatum Corpus et Sanguinem tuum pretiosum consecravi, pertractavi, illoque in salutem et consolationem animæ meæ cibari ac nutritri dignus fui. Suscipe hoc Sacrificium meum in memoriam tuorum mirabilium, ad tuam gloriam et in remissionem omnium peccatorum tam meorum quam illorum, pro quibus orare, sacrificare et offerre proposui. Nunc vere dicere audio: Cibus meus Christus, qui manet in me et ego in illo. Multiplico ergo, et quotiescumque respiro multiplicare intendo meam voluntatem in infinitum in tuis laudibus. Preco nunc quoque Beatissimam Virginem, Angelos, Santos, Sanctas, imo et creaturas universas, pro me immensas tibi referre gratias. Sed quia istæ minime sufficiunt, te supplico, ut temetipsum laudare et glorificare complaceas. Et quia dignatus es istam dignam cordis mei, tuam tamen facere habitationem, dignare quoque in ipso perpetuam facere mansionem.

Effice me hominem secundum cor tuum. Uni metibi intime, et totum transforma et transmuta in te. Salva me, Iesu Christe, et cunctam a me hostis antiqui repellere nequitiam. Pertuam Sanctissimam Passionem exoro te, ut digneris gratias et indulgentias omnes, quas mediante hoc Sacrificio acquirere et lucrari possum, concedere tam mihi, quam aliis vivis et defunctis, quibus applicare proposui; quia te ipsum et pro ipsis exoro, pro quibus et tu' vis et Sanctissimus Pontifex intendit hac de causa me' debere orare. Amen.

#### Oratio Eucharistica.

Omnipotens, sempiterne Deus, conservator animarum, mundique Redemptor, me famulum tuum ante Majestatem tuam prostratum benignissime respice, et Sacrificium, quod in honorem Nominis tui pro salute fidelium tam vivorum quam defunctorum, et pro peccatis et offenditionibus meis obtuli, piissime responde. Iram tuam a me remove; gratiam et misericordiam tuam mihi concede; januam Paradisi mihi pande; ab omnibus malis me potenter eripe, et quidquid proprio commisi reatu clementer indulge. Sic quoque in hoc sæculo in præceptis tuis fac me perseverare, ut dignus Electorum gregi copularie efficiar, te præstante, Deus meus, cuius Nomen benedictum, honor atque regnum permaneat in sæcula sæculorum. Amen.

#### Pie aspirationes ad Jesum.

O bone Jesu! Verbum Patris, converte me. O bone Jesu! Agnus Dei, purifica me. O bone Jesu! Magister meus, doce me. O bone Jesu! Præceptor meus, instrue me. O bone Jesu! Princeps pacis, gubername me. O bone Jesu! Refugium meum, suscipe me. O

bone Jesu! Patientia mea, conforta me. O bone Jesu! Consolatio mea, solare me. O bone Jesu! Lux mundi, illumina me. O bone Jesu! Pax mea, recrea me. O bone Jesu, Rex meus, defende me. O bone Jesu! Panis vivus de cœlo descendens, satia me. O bone Jesu! Gaudium meum, visita me. O bone Jesu! Adiutor meus, adjuva me. O bone Jesu! Protector meus, protege me. O bone Jesu! Amor meus, transforma me. O bone Jesu! Via salutis, dirige me. O bone Jesu! Veritas æterna, informa me. O bone Jesu! Vita mea, vivifica me. O bone Jesu! Fili David, suscipe me. O bone Jesu! Pater meus, custodi me. O bone Jesu! Salvator meus, salva me. O bone Jesu! Mediator meus, interpella pro me. O bone Jesu! Propitiatio mea, intra Vulnera tua absconde me. O bone Jesu! Justitia mea, justifica me. O bone Jesu! Judex meus, absolve me. O bone Jesu! Dominus meus et Deus meus, posside me. O bone Jesu! Sanctificatio mea, sanctifica me. O bone Jesu! Vita perennis, in numerum Electorum tuorum recipe me. Amen.

Anima Christi, etc. pag. 45.

#### Oratio ad B. M. V.

Sancta Virgo Maria, Virgo prudentissima, veneranda et prædicanda, tue fidelis custodias me iterato commendo, rogans, ut, te protegente, et adjuvante, omnium virtutum Sacerdotialium exercitio, jugiter Domino meo Jesu Christo placeam, et, sacerdotali zelo inflammatus, animas, pretioso ejus sanguine redemptas, ad æternæ beatitudinis bravium perducam. Amen.

#### Oratio ad Sanctos.

Orent pro me, Domine, S. Angelus Custos, S. Jo-

seph, SS. Patroni mei N. N. et Sanctus N. ut dum immaculata Mysteria contractavi et sumpsi; per eorum contactum corpus et anima mea ab omni peccatorum macula mundentur, et semel te, Deum meum, in celis videam, sicut illis qui mundo sunt corde promisiisti. Amen.

#### DIES XI.

#### ANTE MISSAM.

Si viderem per viam venientem Presbyterum et Angelum, ad manus sacerdotis deosculandas citius me conferrem et Angelo dicerem; Expecta me Angele, quia manus hujusmodi Verbum vitæ contractant et ultra humanum aliquid possident. (S. Franc. Ass. Orac. 22.) Sacerdotes reverendi, Dei familiares et domestici estis et illius pane vescimini; vestram agnoscite dignitatem, devotionem proferte, contemplationi insistite. Spiritus sit vestri lumen intellectus, vestre flamma voluntatis! (Idem Serm. VII.)

#### Directio intentionis.

Ad laudem et gloriam Sanctissimæ Trinitatis, in memoriam Salvatoris nostri Jesu Christi, Vitæ, Passionis, Mortis et Resurrectionis, ac in operum et meritorum ipsius; ad laudem quoque et exaltationem Beatissimæ Virginis Mariæ, Cœlestium Angelorum, Sanctorum ac Sanctorum et signanter S. N.; offero etiam cum ipsorum Beatorum Spirituum laudibus, Sanctorumque omnium precibus et meritis, nunc et semper, hoc et omnia alia Sacrificia, Officia, Orationes et bona opera totius mundi pro meis præsentibus et futuris corporis et animæ necessitatibus, in auxilium et consolationem meam, et in remissio-

nem omnium peccatorum meorum, quorum veram contritionem semper habere intendo, conor et cupio, omniumque vivorum et defunctorum meorum parentum, consanguineorum, affinum, amicorum, inimicorum, benefactorum in spiritualibus et temporibus, ac illorum quibus fui gravamen, scandalum aut occasio peccati, vel qui se meis precibus et sacrificiis commendarunt. Pro omni gradu Sanctæ Catholice Ecclesiæ, ac illius conservatione, augmentatione aut exaltatione, Christianorum Principum unione, haeresum extirpatione, Summi Pontificis salute, et animarum in Purgatorio existentium liberatione. Pro conservatione et augmentatione omnium Ordinum Religiosorum, pro conversione omnium infidelium, et pro illis omnibus, qui curæ meæ sunt commissi. Denique pro illis omnibus, vivis et defunctis, pro quibus Dominus noster Jesus Christus scit et vult, me debere orare et sacrificare; sic oro et obsecro, ac orare, obsecrare et sacrificare intendo atque propono juxta intentionem Sanctæ Catholice Ecclesiæ, Ego N. Minister, licet indignus, Domini nostri Jesu Christi. In nomine Patris et Filii et Spiritus Sancti. Amen.

**Oratio ad Jesum**

EX IMITATIONE CHRISTI.

O Dulcissime atque Amantissime Domine, quem nunc devote desidero suscipere, tu scis infirmitatem meam et necessitatem quam patior: in quantis malis jaceo: quam sœpe sum gravatus, tentatus et inquinatus. Pro remedio ad te venio, pro consolatione et sublevamine te deprecor. Ad omnia scientem loquor, cui manifesta sunt omnia interiora mea, et qui solus potes me perfecte consolari et adjuvare. Tu scis quibus bonis indigo pœ omnis et quam pauper sum

in virtutibus. Ecce sto ante te, pauper et nudus, gratiam postulans et misericordiam implorans. Refice esurientem mendicum tuum: accende frigiditatem meam igne anoris tui; illumina cœcitatem meam claritate præsentiae tuæ. Verte mihi omnia terrena in amaritudinem, omnia gravia et contraria in patientiam, omnia infima et terrena in contemptum et oblivionem. Erige cor meum ad te in cœlum, et ne dimittas me vagari super terram. Tu solus mihi ex hoc jam dulcescas usque in sæculum, quia tu solus cibos et potus meus, amor meus et gaudium meum, dulcedo mea et totum bonum meum. Utinam me totaliter per tuam presentiam accendas, comburas et in te transmutes; ut unus tecum efficiar spiritus per gratiam internæ unionis et liquefactionem ardentis amoris. Ne patiaris me jejunum et aridum a te recedere, sed operare tecum misericorditer, sicut sœpe operatus es cum sanctis tuis mirabiliter. Quid mirum, si totus ex te ignescerem et in meipso deficerem; cum tu sis ignis semper ardens et numquam deficiens, amor corda purificans et intellectum illuminans?

**Vox Christi ad Sacerdotem.**

Zachæe, festinans descende, quia hodie in domo tua oportet me manere.

**Vox Sacerdotis ad Christum.**

Domine, exsultans et festinans ad te descendo; per te, precor, salva fiat anima mea!

**Oratio ad B. M. V.**

Corpus et Sanguinem Domini mei Jesu Christi æterno Patri oblatus, ad te, o Virgo potens et cle-

mens recurro ; ut quæ cunctos juvare potes et neminem a te repellis, me dignum reddas Altaris Ministerum, quatenus quotidie, per piam Missæ celebrationem in gaudio aquas gratiarum et coelestium charismatum hauriam de fontibus Salvatoris. Amen.

**Oratio ad Sanctos.**

Ad altare tuum, Domine, accedens, merear S. Angeli Custodis, S. Joseph, SS. Patronorum meorum N. N., Sancti N. suffragii fulciri, et virtutibus indui, ut puris manibus et conscientia munda Sanctum Sanctorum valeam attrahere, et ex augustissimo hoc Corporis et Sanguinis Domini nostri Iesu-Christi Mysterio omnia subsidia vitae temporalis et æternæ obtinere valeam. Amen.

**DIES XI.**

**POST MISSAM.**

**Gratiarum actio.**

Gratias tibi ago, piissime Domine Iesu Christe, quod me ad officium Sacerdotale elegisti. Gratias tibi ago, dulcissime Deus, quod me tuo Sacro Corpore et Sanguine refecisti. Gratias tibi ago, Domine clementissime, pro devotione, qua me in hac Missa specialiter respxisti. Gratias tibi ago, benignissime Deus, quod me protegendo a periculis negligentiis custodisti. Mi Domine, Deus, ecce pro tam grata electione, pro tam dulci refectione, pro tam pia respectione, pro tam benigna protectione et custodia, tibi, optime Deus, ex toto corde gratias ago, te benedico, te laudo, te glorifico in æternum. Eja nunc oro, piissime Deus, ut sit mihi hoc dulcissimum Sacramentum contra omnium peccatorum meorum vulnera

efficacissimum medicamentum. Sit mihi, benignissime Deus, hoc dulcissimum Sacramentum omnis virtutis et gratiæ victoriosum complementum. Sit mihi, piissime Deus, hoc dulcissimum Sacramentum tam in vita quam in morte contra omnia pericula validum tutamentum. Sit mihi, amantissime Deus, hoc dulcissimum Sacramentum ad æternam beatitudinem solidum fulcimentum. Mi Domine, Deus, per sumptam quæso Eucharistiam, da mihi, ut a peccatis emundatus, merito fecundatus, fine bono consummatus, tecum in perpetuum sim beatus: cui est honor et gloria in sæculorum sæcula. Amen.

**Oratio ad Jesum.**

Domine Iesu Christe, qui hoc Sacramento amoris et pietatis infinitæ memoriam renovas Passionis illius et Mortis, quam inter dolores et ignominias Crucis extremas immaculatus Agnus passus es pro meis et mundi peccatis tollendis, et pro felicitate æterna mihi communicanda: hauriam, quæso, ex vulneribus tuis, et ex livore Corporis tui Sacratissimi, in quo a planta pedis usque ad verticem capitis non erat sanitas; hauriam ex illo sanguine, tam affluenter et tanto ardore charitatis effuso, ardentem charitatem et amorem tui. Inflammet me hoc ipsum præsens beneficium tuum, Domine Iesu Christe, qui tanta cum pietate mihi te comunicas, tam familiariter et intime mihi conjungeris; nec solum domum meam pauperem non dedignaris, et plagas meas non exhorres, sed ex Corpore etiam et Sanguine tuo Sanctissimo, ad me sanandum, præservandum et confirmandum, medicinam conficias. O piissime Iesu, an deerant tibi, Omnipotenti, alii modi reparandi, et adjuvandi me, meque ad ultimum finem deducendi? Non sane, sed hoc eligere, ut amorem in me et pie-

tatem abundantius demonstrares, voluisti. Quem ergo amorem, bonitas infinita, quam gratitudinem huic beneficentiae et amori tuo retribuam? Quid ego agere, quid pati propter te digne potero? Auge tu ipse in me, precor, dona gratiae tuae, ut plus habeam quod impendam servitio tuo. Deus meus et omnia, quid ego bonorum tuorum non sperabo a te, cum etiam te ipsum mihi tam amanter donaveris, et in te omnia illa esse videam divina attributa, quae spem meam firmam reddere debeat? Potes enim et vis mihi benefacere; potes omne bonum conferre quia omnipotens es, et indigentias meas non ignoras. Quomodo ergo, si ipsi conjungar fonti, imo mari immenso bonorum omnium, non hauriam aquas gratiarum cum gaudio de fontibus Salvatoris? Vis etiam omne bonum conferre, quia summe benignus es, quia magis quam ego ipse me diligis, quia magis tu conferre, quam ego recipere, desideras. Et ne defectus meritorum me a tua liberalitate excludat, tua ipse merita mihi donas, qui mihi justitia factus es in conspectu Dei. Magnanimitter itaque Spes mea dulcis Jesu, bonorum tuorum copiosam communicationem a te sperabo! et ut paupertatem meam omnium virtutum et gratiarum spiritualium thessauris locupletes, petam per temetipsum. Qui cum Patre et Spiritu Sancto vivis et regnas, Deus; per omnia saecula saeculorum. Amen.

Anima Christi, etc. pag. 45.

#### Oratio ad B. M. V.

*Virgo potens et clemens, tu omne bonum mihi potes conferre, et omne bonum vis conferre, quia potens et clemens es, intercede igitur pro me; ut Dominus meus Jesus-Christus illas omnes mihi et alias gratias concedat, pro quibus obtinendis Sanctissi-*

rum Missæ Sacrificium obtuli; præcipue tamen ardentem devotionem erga illum, in Eucharistia, vere, realiter et substantialiter presentem. Amen.

#### Oratio ad Santos.

Misericordissime Domine Jesu-Christe, rogo te per intercessionem S. Angeli Custodis, S. Joseph, SS. Patronorum meorum N. N. et Sancti N., ut te, Deum meum, qui me Corpore et Sanguine tuo cibare dignatus es, ex toto corde, ex tota anima et ex omnibus semper viribus diligam hic in terris et post hac aeternum te amem in celis. Amen.

#### DIES XII.

#### ANTE MISSAM.

Sacerdos, sanctissimum Missæ sacrificium celebrans, est legatus totius mundi apud Deum, ut ab Ipso gratias pro cunctis creaturis oblineat. (S. Alph. Selva Cap. 1.)

Pro universo terrarum orbe legatus intercedit apud Deum. (S. Chrys. de Sac. L. 6.)

#### Oratio ad SS. Trinitatem.

O Trinitas Sancta, suscipe hoc sanctum Sacrificium ad honorem, laudem et gloriam tuam, salutemque animæ meæ atque proximi mei. Accipe, o sancta Trinitas, oblationem istam pro me et pro illis, quibus promisi et teneor, et vis a me orari.

#### Oratio ad Jesum.

O Domine Jesu Christe, ego intendo celebrare et consecrare eo modo, quo tu instituisti et dedisti mihi

auctoritatem intendo offerre istud Sacrificium in  
tui memoriam, sicut tu ipse præcepisti. Te precor,  
Domine, pro omnibus illis, pro quibus orare decrevi,  
et quibus sum conjunctus spirituali participatione,  
consanguinitate, affinitate, familiaritate, commendatione,  
devotione, eleemosynarum suarum largitione  
et qui pro me orant et qui se commendarunt orationibus  
meis; et pro cuncto populo Christiano et pro  
Congregatione nostra; et pro omnibus Prelatis sanctæ Romanæ Ecclesie et Congregationis nostræ; ut  
eos in tuo sancto servitio humiliter, fideliter et de-  
vote perseverare facias; et pro omnibus Fidelibus  
Christianis vivis atque defunctis, in quacumque an-  
gustia et tribulatione positis tam in terra quam in  
maris; ipsorum miserere et tribulatis succurre. Amen.

**Alia Oratio præparatoria.**

Domine Jesu Christe, unde hoc mihi beneficium  
quot tu Angelorum Dominus et celorum gloria, a  
quo et ad quem omnia, ad me verinem impurum ve-  
nire et me tecum in augustissimo Sacramento unire  
desideras? o quanta contritione, quali lacrymarum  
fonte, timore et reverentia, quamque perfecta cordis  
et corporis puritate hoc sublime Mysterium mihi per-  
cipiendum est, in quo tua Caro virginea sumitur et  
divina humanis et summa imis ineffabili modo mis-  
centur. Benedictus qui venis in nomine Domini ad  
alendos pauperes, ad pascendas oves tuas in hujus  
mundi deserto; et cui deliciae sunt esse cum filiis  
hominum. O Bonitas immensa, quod non modo ju-  
stos sed et peccatores ad Mensam tuam Divinam in-  
vitatis, nec solum sanos sed etiam agros hujus effi-  
caciissimæ Medicinæ participes reddis! Peto et obsecro  
dulcissime et piissime Salvator, ut proprios hujus  
Sacramenti fructus mihi largiens, peccata præterita

deleas et a futuris præserves; affectus et motus vitio-  
sos extinguas, intellectum illustres, virtutes infun-  
das ac augeas, adversus hostes et tentationes robo-  
res, animæ et corporis remedium præbeas, in vita  
et in morte auxiliaturus accedas; ac me denique  
mirabiliter in te transformes, ut unus tecum spiritus  
effici ac manere possim. Nulla, quæso, peccati in me  
hæreat macula, quem tam augusto et salutari reficeret  
vis Sacramento, quod contra omnium peccatorum  
venena præstantissimum est antidotum, omnisque  
virtutis et gratiæ copiam recte accedenti submini-  
strat.

**Ex Liturgia S. Joannis Chrysostomi.**

Deus sanctus, qui in Sanctis quiescis, et trisagia  
voce a Seraphim laudaris, et a Cherubim glorificaris  
et ab omni cœlesti Virtute adoraris: qui de non-ente  
ad esse deduxisti omnia et creasti hominem ad ima-  
ginem et similitudinem tuam, et multa gratia insi-  
gnisti: qui das petentibus sapientiam et intellectum:  
qui non despicias peccantem, sed ponis in salute pœni-  
tentiam: qui dignatus es nos humiles et indignos servos  
tuos stare in conspectu gloriae sancti Altaris tui, et  
debitum tibi obsequium et glorificationem offerre:  
tu, Domine, visita nos in bonitate tua, sanctifica cum  
corporibus et animas nostras, et da nobis in sancti-  
tate servire tibi omnibus diebus vitæ nostræ, inter-  
cessione Reginæ nostræ, Matris Dei et omnium San-  
ctorum, qui a sæculo tibi plauerunt. Amen.

**Oratio ad B. M. V.**

O Maria, o Virgo fidelis, fidelis Deo per coopera-  
tionem gratiæ, fidelis hominibus, quibus promisisti  
et numquam recusas auxilium: succurre mihi ma-  
terna pietate, ut fidelis semper Iesu-Christi minister

existam, et per hanc sanctissimi Corporis, et Sanguinis ejus susceptionem omnibus illis per eum virtutibus merear ornari, quibus digne ejus ad sanctum altare locum queam tenere. Amen.

**Oratio ad Sanctos.**

Obsecro te, Domine Jesu Christe, per intercessionem S. Angeli Custodis, S. Joseph, SS. Patronorum meorum N. N. et Sancti N. ne me projicias a facie tua propter multitudinem delictorum meorum, sed dignum me fac sacri tui Altaris ministrum; ut, in gratia semper perseverans et crescens, post mortalis mei corporis depositionem, Angelicis in celo merear sociari choris. Amen.

**DIES XII.**

**POST MISSAM.**

**Oblatio sui-ipsius.**

Suscipe, Pater celestis, clementissime Domine et Pater Misericordiarum, per manus servit tui hoc, quod modo obtuli, Sacrificium sacrosanctum, verum Corpus et Sanguinem Unigeniti Filii tui, Domini nostri Jesu Christi, ad maximam tui Nominis gloriam et honorem, in gratiarum actionem pro universis beneficiis tuis, in remissionem peccatorum meorum et totius mundi; ad impetrandum mihi, et N. N. pro quibus oravi et orare debo, omnia subsidia vitae temporalis et æternæ, atque etiam pro animabus omnium Fidelium defunctorum. Suscipe, Domine, cum hac sacratissima oblatione animam meam et corpus meum, omnes vires et affectus meos; ut sim perpetuum holocaustum, jugiter ardens Majestati tue.

Præsta, ut deinceps nec membra, nec potentias nec vitam habeam, nisi ut te amem et serviam tibi. Tu, sapientia mea et robur meum, doce me, illumina me et corroborata me; ut cognoscam et faciam voluntatem tuam. Offero me tibi in servum perpetuum, meque totum resigno in beneplacitum tuum, abjecta de me omni cura et sollicitudine. Quidquid mihi evenire permiseris, a divina manu tua amantissime recipiam. In tempore et in æternitate illud volo, quod tu ab æterno de me decrevisti, sive prosperum illud sit, sive adversum. Vivat semper et regnet super me beneplacitum tuum, quod in omni verbo, actione, cogitatione implere desidero. Domine, ante te omne desiderium meum, et gemitus meus a te non est absconditus. Desunt enim mihi verba, quibus explicem affectum meum; sed projicio me in ardentissimam fornacem amoris tui, quo succensus ad me venire dignatus es et mansionem apud me facere. Succende me, Domine, inflamma cor meum, viscera combure; ut jugiter ardeam tibi, in te vivam et in te moriar. Amen.

**Actus diversarum virtutum.**

O Sapientia infinita! O æterna Veritas, quæ nec falli nec fallere potes, credo in te et credo tibi in omnibus quæ revelasti et per Sanctam Ecclesiam tuam mihi credenda proponis. Imprimis vero credo te in Sanctissimo hoc Sacramento esse præsentem, prout apertis verbis asseruisti, quibus plus tribuo quam ingenio omnibusque meis sensibus. Pro hac fide per tuam gratiam mori sum paratus. Adauge in me, Domine Clementissime, fidem hanc firmam et vivam, quæ est vere anima vitae Sacerdotalis, et sine qua non stat Sacerdotalis vitae nec vigor, nec zelus, nec sanctitas.

Spero in te, o Bonitas infinita, teque per inexhaustam misericordiam tuam veniam, gratiam et gloriam mihi promissam, daturum confido.

Amo te et amabo te, o Fons omnis boni, et omnia quae tu amas amabo propter te; quia tu omni amore dignus es.

Gaudeo de infinita perfectione, beatitudine et amabilitate tua, et de omni obsequio, laude, honore et gloria tibi ab Electis tuis et creaturis omnibus umquam redditâ et in æternum reddenda.

Te, tuumque beneplacitum in omnibus amplector, omnique possibili reverentia, fiducia, amoris et pietatis affectu veneror et exosculari.

Quidquid in me est affectus erga creaturas in te solum Deum meum, in Sacramento tuo erga nos tam amabilem, transferro; quidquid egero, quidquid passus fuero, in æternum cedat ad tuam gloriam.

Totus sum tuus; fac de me quidquid vis nunc et in æternum. Amen.

Anima Christi, etc. pag. 45.

### Commendatio sui SS. Cordi Jesu.

Commendo me tibi, o bone Jesu! intra mellifluum Cor tuum absconde me, nec permitte me umquam separari a te. Sis mihi in vita solarium, in morte viaticum, in æternitate præmium. Id rogo te pro me, et omnibus amicis meis, per Lacrymas, Sudorem et Sanguinem tuum pretiosissimum. Amen.

### Oratio ad B. M. V.

Sanctissima Virgo Maria, Virgo fidelis, quæ numquam gratiæ defuisti, et nobis in cunctis ades necessitatibus, pro me Dominum Jesum ora, ut per quotidianam augustinissimi Mysterii celebrationem et

sanctissimam ejus Corporis et Sanguinis sumptu-nem, in sanctis propositis firmus, usque in finem viam mandatorum ejus inoffenso pede percurram. Amen.

### Oratio ad Sanctos.

Intercedant pro me, Domine Jesu Christe, S. Angelus Custos, S. Joseph, SS. Patroni mei NN. et Sanctus N., ut per virtutem salvifici hujus Sacramenti spiritus orationis et fervoris mihi largiatur, et semper de tanto Mysterio illud credam, illud sentiam et firmiter teneam, quod tibi placet et expedit animæ meæ. Amen.

### DIES XIII.

### ANTE MISSAM.

O venerabilis sanctitudo manuum! O felix exercitium! qui creavit me, si fas est dicere, dedit mihi creare se; et qui creavit me sine me, ipse creavit se mediante me. (S. Aug. in Ps. 37.)

Potestas sacerdotis est sicut potestas Divinorum Personarum, quia in transubstantiatione panis tanta requiritur virtus quanta in mundi creatione (S. Bernardinus Sen. Tom. I. Serm. 20.)

### Oratio preparatoria

O Sanctissime Jesu! Ego miser peccator, spiritu egenus idoneisque affectibus destitutus, celebrandi vero munere longe indignissimus, offero tibi omnium Sanctorum et Electorum tuorum piissimos affectus, quos umquam elicuerunt, aut modo eliciunt, ac deinceps eliciunt; omnes virtutum actus, quos in hoc tam tremendo Mysterio decet exercere, obserans te, per pretiosissimum Sanguinem ac Mortem tuam, ut di-